



Broj: 01- 2236/26
Sarajevo, 02.06.2026. godine

Na osnovu člana 71. Zakona o visokom obrazovanju („Službene novine Kantona Sarajevo“, broj: 36/22), člana 115. Statuta Univerziteta u Sarajevu, broj: broj: 01-14-35-1/23 od 26.07.2023. godine, odredbi Zakona o zaštiti ličnih podataka (“Službeni glasnik BiH”, broj: 12/25) i prijedloga, broj: 01-1571/26 od 20.04.2026. godine, donosi sljedeću:

ODLUKU

o određivanju ovlaštenih osoba za pristup sistemu videonadzora

Član 1.

(Predmet odluke)

Ovom odlukom određuju se ovlaštene osobe koje imaju pravo pristupa uređaju za snimanje, pregled i upravljanje snimcima videonadzora instaliranog u objektima Fakulteta sporta i tjelesnog odgoja.

Član 2.

(Svrha obrade podataka)

Videonadzor se koristi isključivo u svrhu:

- a) zaštite imovine fakulteta,
- b) zaštite sigurnosti zaposlenih, studenata i drugih lica,
- c) kontrole pristupa objektima fakulteta,
- d) dokumentovanja eventualnih sigurnosnih incidenata.

Snimci videonadzora predstavljaju lične podatke i obrađuju se u skladu sa odredbama Zakona o zaštiti ličnih podataka Bosne i Hercegovine.

Član 3.

(Ovlaštene osobe)

Pravo pristupa uređaju za snimanje i pregled snimaka imaju sljedeće ovlaštene osobe:

1. Amira Osmanhodžić
2. Prof.dr. Erol Kovačević
3. Safet Rašinlić



Ovlaštene osobe mogu pristupiti snimcima samo u okviru svojih službenih ovlaštenja i u svrhu definisanu ovom odlukom.

Član 4.

(Način pristupa)

Pristup sistemu videonadzora vrši se putem korisničkog naloga i lozinke ili drugim tehničkim sredstvima zaštite.

Svaki pristup snimcima mora biti evidentiran u evidenciji pristupa koja sadrži:

- ime i prezime osobe koja je pristupila snimku,
- datum i vrijeme pristupa,
- razlog pristupa snimku.

Član 5.

(Zabrana neovlaštene obrade)

Ovlaštenim osobama zabranjeno je:

- kopiranje, distribucija ili javno objavljivanje snimaka,
- korištenje snimaka u svrhe koje nisu propisane ovom odlukom,
- omogućavanje pristupa neovlaštenim licima.

Svaka zloupotreba snimljenog materijala predstavlja povredu službene dužnosti i može povlačiti disciplinsku i zakonsku odgovornost.

Član 6.

(Dostavljanje snimaka nadležnim organima)

Snimci videonadzora mogu se dostaviti nadležnim organima (policija, sud ili drugi nadležni organi) samo na osnovu njihovog pisanog zahtjeva ili u skladu sa zakonskim propisima.

Član 7.

(Rok čuvanja snimaka)

Snimci videonadzora čuvaju se najduže 30 (trideset) dana, osim u slučaju kada je snimak potreban kao dokaz u postupku pred nadležnim organima, kada se može čuvati do okončanja postupka.




Član 8.

(Stupanje na snagu)

Ova odluka stupa na snagu danom donošenja i objavljuje se na oglasnoj ploči i web stranici fakulteta.

DEKAN

Prof.dr Ifet Mahmutović



Dostaviti:

- Safet Rašinlić
- Amira Osmanhodžić
- Prof.dr. Erol Kovačević
- Prof.dr. Safet Kapo
- Svi zaposleni
- Web stranica
- a/a